

津報

光緒三十一年十二月初五日

西歷一千九百零五年十二月三十號

第七十九號 禮拜六

本館開設天津宮北大街路西 電話第三百九十號

本埠 零售每份大洋二枚 每月小洋六角 全年六元
本埠 全年六元 加郵費一元八角 全年三元二角 加郵費九角餘同上
外埠 全年六元 加郵費一元八角 全年三元二角 加郵費九角餘同上
日本 全年六元 加郵費一元八角 全年三元二角 加郵費九角餘同上
外埠 全年六元 加郵費一元八角 全年三元二角 加郵費九角餘同上

例刊白告 第一日每行取洋五釐 第二日至第七日每日每字取洋三釐 第八日以後每日每字取洋二釐 五號字計算 用四號二號字及木戳所佔地位均照五號字算 封面加倍 登三個月者八折 半年六折 長年另議

外埠代派處
北京琉璃廠橋西路北公慎書局
保定府北大街官書局
奉天省城振泰報局
錦州同益分報館
上海各大報館
河南省城北書局街開封總派報處
長沙府永豐街三聖殿聚珍棧劉翰莊
常德府城內神武寺側益智書局
湖北漢口存仁巷後賢明齋書店
陝西大馬路街巷派報處陳漢卿
山東濟南日新報館
山西太原府晉報館
成都桂王橋圖書局
瀘州開明書局
宜昌昌明公司支店
安慶三牌樓利和布號
蕪湖大街玉林堂書店
合肥書報社
南昌源發報莊
又百花洲廣智書莊
萬載啓化書局
贛州府學前日新公司
九江招商局
又花牌樓譚宅
香港商務印書館
廣東廣州府前大馬路裕和堂書報館
又雙門底上街開明書局
又十八甫廣智分局
嘉應州新書局
惠州泰昌店
福州城內湖北會館黃君
汕頭今學書局
廈門搭子街宗耀莊
杭州城頭巷白話報館
嘉興荷花堤日新學報社
寧波盧鶴汀
又和泰信局劉金貴
紹興昌安門天主寺達材學堂
又圓通寺中興
硤石順昌輪船局
溫州南門外南琴坊
又府前街日新書局
南京東牌樓王慶昌
鎮江揚子江白話報社
揚州府城內南門外中報分館
如皋北門內丁家巷民立學堂
蘇州城內接駕橋啓新書局
無錫錫金派報所
常熟寺前寺記書莊
松江西門外嶽廟內明新書局
又富家弄益智社
廣西桂林平糶館內
梧州永安祥
龍州電報局
盛京同益分報館

◎本報徵文告白◎
本報徵文大意已詳九月十八日報端諸同志有惠寄大著爲本報所登載者每篇贈銀五圓不登者恕不還稿特白

本館添聘訪友廣告
本報開辦以來力求進步南北各埠業經廣延訪友隨時通信惟本報既居本國北部凡各省各府州縣各大鎮市暨東西北各省會以及鐵路交通之處尤應多置訪友且夕報告以廣見聞而開風氣今將應添訪友各處開列於後

北京 通州 保定府 承德府 朝陽府 永平府 河間府 正定府
順德府 廣平府 大名府 宣化府 張家口 瀋陽 錦州 營口
哈爾濱 吉林 長春 海參崴 開封府 信陽州 濟南府 太原府
蘭州府 迪化府 伊犁府

嚴杜招搖 本館所訂本埠外埠各訪友類皆明理自好之士如有冒稱本館訪事招搖索詐者必非安分之徒望即扭送有司衙門懲究勿爲其所惑切切特白

◎外埠報諸君鑒◎
啓者本館自九月十五日出版起奉送三日概不取費現計自九月十八日起已逾一月所有外埠報費尚未寄到務望閱報諸君將前項報費按月結算寄下無任盼禱敝館事務冗繁不暇專函奉佈尚祈原宥爲幸 本館告白

津永印書館廣告
本館承辦上海南方報廣告 本館現承上海南方報囑爲代派有欲購閱者祈向本館送報人訂定可也

上海商務印書館專售鉛字銅模印書機器洋紙廣告
本館開設上海棋盤街中市專售各種印書機器及頭二三四五六七號全副活字並精製銅模鉛板印字器件一應俱全發兌各色洋紙洋行華英字典學校課本各種實學新書精印中西書報各項文件又延請日本東京名手專氣照相銅板五彩石印工料精美久已中外馳名如欲辦機器銅模鉛字及託印書報批購書籍洋紙等價目克己以廣招徠此佈

中東印局
本局向在日本開辦多年所有一切印刷工藝無不熟練近由日本運到機器來津添選精良工藝兼備上等材料專做一切鉛印石印各種外埠來函定貨大小花樣樣樣俱全不致有誤並售各色洋紙各種機器及各種印書材料等件俱備價格從廉批發零售無不歡迎

南洋副票頭彩壹萬元本月十三日開彩
本號浙江彩票南洋副票頭彩壹萬元本月十三日開彩票頭彩四萬元並副彩票准於十三日開彩每張三元二角又湖北大彩票頭彩十萬元十七日開彩浙江分票頭彩三萬元二十四日開彩每張二元二角分條二角五分 天津大獅子衛衛公益仁南味坊謹白

上林春酒茶樓新張廣告
蓋聞酒以合歡適口宜期玉饌茶能療渴佐食貴有紅綾本樓開設法租界錦州街左鄰膳夫聘自上海餅師選從江浙精製中華美味各國西菜新式麵食大小盤頭各色洋酒中外名茶味美華筵開日夜咄咄立辦招呼通靈加以淨几明窗雅俗無須居竹吟風弄月賞心任便移花食品可人價值克己預此報聞 開
教育雜誌 每冊二角 全年二十冊共價大洋三元二角 孟晉同文各書坊均行代售

本報要目

●十二月初五日第七十九號●
論說▲論中日條約之宜守秘密
西文論說▲論中國工藝
要聞▲議辦鐵路債票△請開呼蘭商埠△聯中
承辦邊六策△議設瓜哇領事再誌△留學生
抗爭苛則四誌△上海大開公堂案十二誌
各省新聞▲學生暫緩赴東△咨詢廣增鐵路情
形
各國新聞▲美大臣之政見△日本更換內閣紀
聞
奏議▲滇督丁奏保護鐵路防營兵餉請飭撥的
款摺

論說

論中日條約之宜守秘密

中國人無秘密之性質。數千年歷史所載。國中相傳之教育。皆以豁達坦白爲人格之高等。士夫相矜尚。謂平生無欺。事無不可對人言。昏蒙之夫。遇人與人相交之事。輒舉以告人。且曰吾與汝厚。故以告汝。此中語云。不足爲外人道也。嗚呼。凡事不先慎之於我。而漫語他人。轉欲他人爲我慎之。豈不愚哉。如此相沿。積成風俗。故一旦臨大事。決大疑。類多鼓鑄於宮。聲聞於外。欲求鎮定不驚。始終不爲人窺測者。憂憂乎難之也。

惟今年中日條約之舉。兩國大臣相爲秘密。環球中外。都無聞知。其間條款利害得失。無從究論。要非當事之人。持重識大體。不能慎密至於此極也。古人遇事。畫灰而謀。有封奏達人主。則自焚其草。英雄豪傑。所以異於衆者。皆用秘密爲主義。諸葛忠武。如通神明。一身所得。唯謹慎耳。易曰。機事不密。則害成。屈指而數。罹於此者。不可殫論。密之爲義大矣哉。

日本外交通義。論使臣之職務權限。第二條云。守秘密之義務。大旨言凡一事件。未着落之先。如漏洩之。因而釀不測之禍。招噬臍不及之悔者。不乏其例。日本當條約改正交涉中。所謂井上案者。和蘭公使公之於世。遂受日政府之請求。召還西班牙總理。泊林姆。漏洩西班牙繼承問題。遂至普法之爭。議因而破裂。使臣之一言一行。關係國家之安危。故守秘密爲職務第一。主目。其國中使臣之規則如此。此番使者與我國立約而歸。必能保守此約。而不洩於外。兩人相約。先洩者謂之敗露。民間個人相交。且以爲辱。況國事乎。我國與約諸大臣。誠不能不慎之也。

或謂公事公言。國際條約。與國中臣民相關者。當佈告天下。以明非專制之意。不知條約者。國家與國家合意之約束也。此國

家約束彼國家。臣民無直接受條約拘束之事。必由國家因條約而有法律命令。施之行政。臣民始遵奉之也。故各國條約之權。雖文明立憲諸邦。亦自政府操之。既曰密約。則以密爲義務。宣布臣民。而於約有損。於臣民無益。即在臣民。亦何樂於敗露之也。

不過立約之後。須就約中與國事有關者。變其意旨。合其方嚮。以布告國中。庶不至遇有交涉之事。與條約相背。反以棘手。否則對面之國。因事背約。來相詰問。則所謂秘密者。必將昭昭矣。此亦與約諸公。不可不先事躊躇。以保全秘密之宗旨者也。

專件

各種銀行制度概要(八續)

第四十九條 日本勸業銀行須照大藏大臣之命令呈報營業之情形及計算報告書

第五十條 大藏大臣以爲必要之時。可限制日本勸業銀行貸出金數

第五十一條 日本勸業銀行貸出金之利息最高之率。須於每營業年度之初。呈請大藏大臣認可。而定其營業年度內有變更亦同

第五十二條 日本勸業銀行發行勸業債票。須直接經大藏大臣認可

第五十三條 大藏大臣特派日本勸業銀行監理官。監視日本勸業銀行之業務

第五十四條 日本銀行監理官。不拘何時。得檢查日本勸業銀行之金庫。券書。庫賬簿及各種文書

日本勸業銀行監理官。監視上。以爲至要。不拘何時。可命日本勸業銀行。報告營業上各種計算及各種情形

日本勸業銀行監理官。可於股東會議時。席間陳述意見。但不得加入議決之數

第五十五條 日本勸業銀行之花紅。每年不到百分之五。政府自創立時起。以十年爲限。補給之。使其足額。其額數無論如何。不得超過股本百分之五

第八章 罰款

第五十六條 日本勸業銀行總裁或代行總裁之職務者。及代理之副總裁。如犯下列各條事項。須得罰百圓以上。千圓以下之過料。其事係副總裁理事分擔者。副總裁理事之罰亦同

一 違背第十四條之章程而放款

二 違背第十六條之章程。對於非第一抵當而爲放款

三 違背第三十二條之章程。使用營業上盈餘款項

四 違背第三十三條之章程。爲不載於此律之業務

五 違背第三十四條之章程。發行勸業債票。但係第三十七條第一項該當之時。不在此限

六 違背第三十六條第一項第三十七條第二項及第三十九條之章程。不爲勸業債票償還之時

七 違背第四十三條章程。處分盈餘之款

inventions have been left to shift for themselves.

For the lack of patent laws in China to protect the rights of the inventors, no man can reap the benefits of his invention. As soon as he places something useful in the market a thousand others will directly reproduce the same thing for sale the next day, rivalling the originator in the output or sale without the accompanying drawbacks and expenses incident to first experiments and outlays. For these reasons old inventions are seldom improved upon and new inventions are never attempted. The dynasties subsequent to the Tang have encouraged no other talent than classical scholarship. The men who can write essays and poetry may climb to the highest honors but practical men who can further the "material" development of the country are looked upon as mere artisans, too ignorant to be given a voice in state affairs, or considered too insignificant to influence the welfare of a nation.

(To be Continued.)

progress of the arts, sciences, and inventions. Apart from these the Nineteenth century has little to boast over the civilization of the Eighteenth. Apart from these the West have very little more to congratulate themselves for their superiority over the East. Apart from these China is after all not so very far behind the progressive nations in civilization. But China, ignoring the development of these, will ever remain a nation with an "arrested civilization."

What the Chinese possess to-day in the arts and inventions is an inheritance from the past. Every thing that is useful and practical, such as the mariner's compass, gunpowder, the art of writing and printing, manufacture of silk, porcelain, lacquer ware, and a thousand other things, have been discovered between the Feudal period (722 B. C.) and the end of the Tang dynasty (906 A. D.) Nothing since has been attempted in the way of even improvements, only slavish and degenerate imitations of old forms having been reproduced up to the present.

What has been the cause? Because subsequent governments have given no encouragement and protection to inventors. In the Chow and Han dynasties our inventors

and discoverers were either learned scholars or great statesmen, as Chow-Kung, Li-Sze, Chu-Kwo-Liang, and others, who, actuated by nobler aims and purposes, were sufficiently satisfied with the honor of their inventions or discoveries which they knew would benefit their states, and, therefor ignored entirely any financial value to be derived therefrom. Wealth was not their object. In the formative period of the Chows and the reconstructive period of the Hans men noted for their accomplishments were made the heads of their respective departments so that the arts and inventions were given a great impetus. Men of still earlier periods who invented writing, or improved the methods of agriculture, discovered the medicinal uses of herbs, the cure of diseases, inventors of various useful implements, and like persons, have been canonized and worshipped as patron saints. But as the population increased and the struggle for existence became harder, something more than posthumous honor was necessary to bring the poor inventors relief and comfort. With the introduction of the civil examinations every class except the literati has been woefully neglected, and men devoted to the arts and

第五十七條 日本勸業銀行之總裁副總裁及理事違背第八條之章程。罰二十圓以上二百圓以下過料

第五十八條 前二條所定之過料。由裁判所命令科罰。但計其於接命令之後十四日內抗告

附則

第五十九條 政府設開辦委員會。至允准日本勸業銀行設立爲止。使其經理關於發起之一切事務


第六十條 開辦委員會。須定章程。俟得政府認可之後。招募股分

第六十一條 開辦委員會。招齊股份。分後將附股簿呈請政府查核。而實請開辦執照

第六十二條 開辦委員會。領到開辦執照。後須將銀行事務。交付日本勸業銀行總裁

第六十三條 初次開辦之總裁副總裁理事及監查役。可照第七條第四項之章程

第六十四條 初次開辦之總裁副總裁及理事之任期。三年。初次開辦之理事及監查役。政府於股東中任命之。(未完)



TSIN PAO.
津 報

Saturday Dec., 30th 1905.

How Arts and Inventions
are lost in China.

Nearly every thoughtful and observing foreigner with whom I have conversed has asked me the question: How do you explain the "arrested civilization of China?" To answer this all-embracing question thoroughly and intelligently and present all the causes would require perhaps the life-study of a Carlyle. In this more modest attempt to explain how the arts and inventions are lost in China, the writer will confine his attention to only a few salient facts from which the readers may draw deeper and broader conclusions regarding our "arrested civilization," just as Confucius said a table may be understood by looking at one corner of it.

The one prominent feature of modern civilization is the wonderful

宮門抄

十二月初三日 吏部 翰林院 正黃旗值日無引 見
意公續假十日 召見軍機
十二月初四日京電本日 召見軍機 希勒塔

諭旨

十二月初四日京電本日奉
上諭朕奉 皇太后懿旨禮部奏元旦禮儀一摺元旦日令
節皇帝率王公百官在皇極殿行禮停止筵宴其在外公主
福晉命婦均著進內行禮欽此

專電

侯馬電 侯馬入冬早甚初一至初三得雪四五寸尚未止

西電

◎西十二月二十七號東京來電
●專使道經橫濱 考查政治端戴二大臣於前日(中歷十一月二十九日)行抵橫濱日本官員迎接者有二百五十人
中國官商多人亦迎接如儀是晚橫濱正金銀行設筵款待二
大臣旋於昨日(中歷十二月初一日)展輪赴美

◎西十二月二十七號柏林來電
●俄國內亂一 俄國歡喜日甚覺不安譯者按歡喜日或即
耶穌降生節也 麥斯利之亂黨現經兵隊勦捕殆盡

●俄國股票漲價 歐洲俄國股票之價值現已增漲

◎西十二月二十八號倫敦來電
●俄國內亂二 由滿洲回國之第一隊俄兵現已開往利溫
尼亞地方勦辦亂黨 聖彼得堡勢力最大之亂黨董事現已
擒獲者六七十人因彼等倡亂情形與莫斯科無二致也

◎西十二月二十九號倫敦來電
●俄將回國 俄提督米臣考在日俄戰時統領哥薩克騎兵
威靈其著現回國又奉政府派令統帶步兵
●俄國內亂三 麥斯利又有戰事 在聖彼得堡麥斯利之
間兵匪屢有小戰

要聞

議辦鐵路債票

探聞政府會議以各省自集股本開辦鐵路保守利權用意甚
善惟限於財力不易圖成爰議開辦鐵路債票凡中國
人皆可購買每票四百元年息五釐(還期未詳)將來
鐵路造成另提餘利大約俟決議後即行通告各省查
照辦理(續)

請開呼蘭商埠

月前黑龍江將軍奏稱呼蘭馬船廠地方衝要請速
自開商埠以保利權等語已交外務部商部會議具奏(今)

聯中丞籌邊六策

探聞新任新疆巡撫聯中丞籌議整頓邊防之策凡六大綱曰
行政日外交日練兵日籌款日興商日學校
各有細目都三萬餘言已具摺入奏矣(案)

議設瓜哇領事再誌

議設瓜哇領事一節已紀前報茲又探得確實消息政府以領
事責任重要急切派員前往恐多窒礙擬俟新簡荷蘭公使陸
大臣到任後察度情形再行酌辦(續)

留學生抗爭苛則四誌

探得政府消息日前慶邸與學部尚書會議留學生退學事深
責楊公使辦理不善榮尚書謂近來各省所派官費自費生赴
日本留學者日多楊公使亦有兼顧不及之勢莫若奏明仍照
上年特派汪大燮之例添設日本留學生監督一員專司學務
此項差使請由學部奏派惟必須品望素著之員方能服衆擬
由已授職之畢業留學生中選充此任云云慶邸頗然其言不
日可由學部具奏(案)

上海大鬧公堂案十二誌

天津益開西報云上海諸事平定惟民人仇視英領事德爲
門及稅司馬司森之心仍未消滅駐北京英公使已照請外務
部札飭上海道安妥保護以免意外之虞 又接上海專電云
現在上海英總領事調查租界損失財產共銀三十萬兩擬向
中國政府索取并求懲治會少剛等五人因彼等屢次聚會
演說以致有罷市暴動之舉并聲言彼將趁此機會將會審章
程酌改訂

外部與英使商撤德領事德領事各節已誌前報茲接北
京來函云日前外部又向英使催詢此事英使覆稱此次大鬧
公堂之事華官亦有辦理不善之處如必欲撤領事則華官
亦須撤退以昭平允等語王大臣等以華官對於此案並無不
合據理力爭而英使仍堅持前議云 按此函係另一訪友所
寄與昨日北京來函所述不同姑並存之

上海來函云現在英領事署已爲水師兵駐紮之所各門均有
護兵並安置機器砲德意兩國之領事署亦有水師兵爲之保
護日本領事之大門亦有水師兵一名乃蘇米達砲艦十二兵
士之一號艦正在浦東建造二十二日即調此十二名之兵於
上海保護日領事署因上海未有美國砲艦也在浦東之
蘇米達砲艦於二十四日頗有危險之狀故此十二名兵即調
回數名又有往江蘇製造局護衛日本工程師者

又云南洋商會周玉帥抵滬後以洋務局爲行轅滬道袁廉訪
初次謁見時即將開關公堂一案與領事領事及英領事并各
領事往來公文一併呈送察閱開關公堂以此次各商罷市雖皆
出於公憤但匪徒不應從中搶劫似此目無法紀與無辜洋人
爲難殊可痛恨是以密諭袁廉訪迅速札行英法兩公使及上
海縣密飭差捕嚴拿各匪徒到案先行從嚴究辦並確查
首先起事之人訪獲嚴究

又云玉帥於二十六日上午拜會領事總領事及英領事商
辦開關公堂一案

本埠新聞

●車站紀事○北洋銀元局派差押運銀元七百八十箱每箱
一萬枚於初四日運往豐台再往張家口交納△京旗軍械局

紀女學傳習所

●紀女學傳習所○現聞有留學日本畢業生大學堂助教江
康甫君慨中國教育之未能普及實由於女學之不興特在西
單牌樓庫子胡同宗人府園內建設女學傳習所一區現已
備置一切定於明春開辦所延教習有某學堂德國某教員及
日本某教員之夫人并有各女學堂教員擔任義務現報名與
會者已有百餘人之多昨本館駐京訪員又寄到該所開辦簡
章附列於後

女學傳習所簡章

本所以養成女子普通智識研究女子教育方法爲宗旨
十歲以上身家清白之女子皆得爲會員
男子除本所講師及他女學堂教員外不得與會
每星期日午後一時開會四時散會
會員必如期齊集果有要事不克到者須先聲明
開會時先由講師教授普通科學一時間然後或演說或談論
悉從衆便惟不得違戾第一條
經費教員齊備後即專設女學堂就會員中選合格者爲學生
而本所仍並行不廢
願入會者可開具姓名年歲籍貫住址隨時交來
●創設火柴公司○前有商人張某稟請商部批准設立火柴
公司現已擇定地基在三里河後池建築房舍并購置機器預
備開辦

招魂公祭

●招魂公祭○此次日本留學生陳君天華因力爭日本苛待
學生事首先蹈海而死凡我學界莫不聞聲慨憤上月二十八
日大學堂學生特在湖廣會館招魂公祭先由代表人宣讀祭
文然後諸生次第行禮同人中有爲之泣下沾襟者死有重於
泰山如陳君者其難死猶生歟

正誤

●正誤 昨報所紀古北口提督一缺擬以天津鎮吳鎮軍
長純署理吳字誤作李字今更正

本省新聞

●保定籌款總局批示○具稟文重張其琛等批稟情閱悉現
據保定分局中據張其琛等稟包期將滿賠累不能接辦請將
押款發還並以蘇汝川王煥章承包安平縣烟稅孟慶齡承包
深州東鹿縣烟稅先後中稟到局均經核准茲復據該文重等
稟請仍接包深州東鹿安平三處烟稅應毋庸議該文重等
交分局領回爾爾與原包人即赴該局具領可也此批

官場紀事

●官場紀事○潘憲毛方伯於初二日早八點鐘赴臬署會同
增廉訪親詣法政學堂觀劇學生至上午十二點鐘回轅△永
定河北岸同知王司馬運昌現因要公來省於初二日稟見毛
方伯

潘憲法政學堂大考紀期

●潘憲法政學堂大考紀期○潘憲法政學堂已於初一日停
課溫習數日定於初七日大考該堂雖開學未久一切課程均
甚認真從此力加整頓想不患吏治無起色也

小學招考

●小學招考○省城白衣巷民立高等初級兩等小學堂現招
考第二期學生所有一切章程仍照第一期辦理報名期限自
十二月初一日起至明年正月二十一日截止

設廠施粥

●設廠施粥○近聞通州東路廳許司馬以刻下冬令戒嚴本
州無業貧民無食無衣頗堪憐憫特籌款在城內設立粥廠煖
廠各一處收集貧民入廠宿息并每日散給米粥兩次俾資溫
飽就食者頗形擁擠聞咸頌司馬之仁政於不置云

上海郵政館設天津書報
先行交易擇吉開張

以及教科各書圖畫專備各學堂應用以期大加推廣熱誠學務也

據實聲明

登報先此據實聲明

◎ 法網難逃 ◎

屍之罪難辭其凌虐人致死及捏報誹命失實誣陷亦必難逃法網似不致再任舞弄矣除再編小說另登外不難追究懲辦于此以博衆覽
 惡精飛佩珍凌虐紅寶致死並惡罵冤案歷登前報自該槍始而強辯而聽其妍詞萬里陵後窩匿匿匿情虛萬里既
 巫妍不得諱爲不知此等有據有證之事一經指提失萬里到案者將
 屍之罪難辭其凌虐人致死及捏報誹命失實誣陷亦必難逃法網似不致再任舞弄矣除再編小說另登外不難追究懲辦于此以博衆覽
 南海萍寄生告白住東馬路大獅胡同對過

報 方 南 海 上
色 特 大 八

八大特色

一本報論說皆就目下政界學界重要問題切實研求立論必根諸學理立憲一事爲今日最要問題本報持論尤多注意此點閱者大可爲研究政法之助

一本報新聞其最重要之件隨時由訪員專電故每日必有本館特發之專電數條爲他報所未有其尋常新聞亦較他報爲確爲速

一本報於國文論說之外並有英文論說一門爲中國報界前此所未有

一本報特設白話論說一門立論明白淺顯委曲易入最便婦孺

一本報每日附印小說一頁或撰或譯不拘一定大要以開智怡情爲主其文筆雋永思想淵微大可補正言莊論所不足

一本報所登事件皆由輾轉採訪而來其中關繫政界學界重要之事甚多閱者可留爲研究政學之資料
一本報特設插畫一門凡名人勝景及有關係之圖畫本報間期刊登以供 閱者賞心悅目
一本報設雜俎一門凡掌故遺聞清譚雅謔擇尤登載 閱者大可爲酒後茶餘消遣之具
綜斯八條皆本報獨有之特色蓋本報內容豐富以日報而實兼有旬報月報及專門學報自話報之長

天津啓文報社出入款清單

[illegible]

北京華新書局告白

人活世救

肺癰
止
咳
管文

人之一身皆以肺爲本肺氣一燥百病叢生咳嗽雖微若緩治之則變爲哮喘肺癆難治之症此藥實稱潤肺治嗽第一良藥無論內感外發症之輕重收效如神貴官紳商須知此散藏之可以有備無患矣

天津宮北大獅胡同恆恒洋行藥房

方仙萊逢
走不益壽
斂

夫自古迄今男婦貌之美者皆不勝羅維俊秀生於天姿而修飾亦由人力也此膏能潤皮膚去風塵

北前門外觀音寺寶安樓
陸恒藥房

崇治婦科重症百發百中
寧坤丸
至親骨肉須知有此靈藥



一掃光

疥癬

立治

之形敷此膏變顏如玉能令人見而愛慕雖老顏皮皺用此膏能和血色返爲童顏況青年男女天姿旣美若加以修飾豈不愈見嬌艷耶婦人洗面後先敷此膏後再敷粉光潤細膩迴異尋常尤有要者冬令嚴寒之時用此膏敷於面之上絕無凍裂之患如已患凍裂敷之立愈此誠不可多得之妙藥也

開張以來價廉物美久蒙
賜顧極其稱賞所售各式
印字機器及所鑄各樣大小
鉛字以及排字應用零星小
件無不俱備堅
固異常與眾不
同 官紳貴
商賜顧者請移
玉至天津日本
街路西九區五十三號樓
間帳房面訂庶不致誤得
此佈聞

本局白 紳商 大小印 華洋銀

● 處 售 出 ●

● 衛 齋 子 獅 北 宮 津 天 ●

各省新聞

政事

◎請委驗收倉穀 前經戶部申明積穀倉庫由藩司通飭各州縣遵辦一節前報自崑山縣寶子親大令首先遵辦後茲又據丹陽縣洪鴻汀大令具報已按時價採辦新穀預儲積以備凶荒請派員照章驗收等情奉藩方伯核准特札委許通守之珪馳往該縣驗收 (江蘇)

◎太守來蘇 松江府缺前聞蘇省大吏業經咨部請補茲悉實授是缺者係咸太守揚籍隸浙江由京南下於日前來省稟到謁見撫藩臬各大憲繳憑聽候飭赴新任至前任太守之祿聞因人地不宜故已調省開缺矣 (江蘇)

◎泗州撤任之原因 實缺泗州余道刺適中自下車以來四鄉盜案疊出且有丈動民田勒定價目情事以致怨聲載道積有繁言刻經藩憲將該撤任記過以爲不職者做已遷委候補直隸州白直刺曾輝前往署理 (安徽)

交涉

◎土民盜賣地墓 松郡民人雷協善私將五里塘起至泗涇塘止一帶河道舊於邱家灣天主教堂管業經該教堂司事顧某持契赴縣署納稅要縣屈吉士大令以其有違約章稟由上海道袁觀察電飭縣提集中保將地價交還收回原契持平辦理 (江蘇)

◎飭銷教案處分 浙東天台教案業已由縣賠償了結稟報在案茲呂軍門高觀察遵示請開張府尊王統領處分惟是案首要陳鳳儀尚未獲故擬另行酌核電稟到省當奉撫憲瑞留守據即照准電文列後

甯波提道致浙撫院電

撫憲鈞鑒洪元電謹悉仰見懲勸兼施同深欽佩辱承下問並荷褒嘉益深欽愧元等再三酌議統領台府既蒙恩宥應請飭銷前過至該縣胡令稟稱懸賞嚴緝逸匪未驗此時有無獲案已會飭台府查明擬議俟稟覆即日電聞是否有當仍候鈞裁元英叩

浙撫瑞留守覆電

甯波提道台鑒洪元電敬悉台防統領及台府所得記過處分應即如電飭銷餘俟奉電再酌瑞印 (浙江)

學務

◎設立商會小學堂 周村爲近省一大市鎮前經該處商會委員馬別駕葆光由商會公費項下撥出經費若干開設初級小學堂於九月十五日開學招生定學四十名一切學科均照奏定初級小學章程辦理即名曰周村商會小學堂現經商會委員譚大令奎翰稟報商務局立案當經商務局移知學務處備查 (山東)

◎保獎學務人員 山東高等學堂開辦五年所有出力之教員管理員因已屆學生畢業之期自應按照奏定章程一律保獎現經撫帥會同學院具奏並分咨政務處學務大臣暨吏禮

兩部計保獎者聞有異常八員尋常二十六員云 (山東)

◎分立高等小學 蘇府三官縣向祇有公立高等小學堂一區近經學務處責其因陋就簡不思振興遂會議以舊堂專歸吳縣其長洲則借烏鵲橋附近之羊王廟開辦元和乃租賃盛家埭顧姓餘屋辦理規始經費由縣先行捐撥不敷處稟候大憲酌撥常年經費亦由縣另籌擬各設正額四十名附額二十名以廣造就聞蘇藩孫花樓張達仙三大令業已聯銜出詳一俟批准即當照此開辦矣 (江蘇)

◎女學將次開辦 日前桐城方元衡君具稟學務處遵章開辦女學已具端倪近日籍紳張君霸英何君雨辰特援案組織競化女學現已賃定城北近聖街民舍一區擬於明正開學所有堂中教習管理人均聘請女士教授課程分 修身 國文 讀經 英文 東文 歷史 地理 算學 衛生 手工 樂歌 習字 圖畫 體操 十四門學科分甲乙兩班額設八十名其經費除同志贊助外并刊公啓數百份佈達皖省遊宦諸公捐助常年經費期持久遠已具稟學務處立案矣 (安徽)

◎學生暫緩赴東 鄂督張香帥前所考取出洋游學生本擬於前月底東渡嗣因日本有苛待學生之例在東學生欲欲結伴回華香帥接電後特令派往出洋各學生暫緩啓程 (湖北)

◎青州教育研究會章程

第一章 定名 宗旨
一 定名 本會設立於山東之青州府係由青州人及各地同志共同組織定名曰青州教育研究會
一 宗旨 本會以聯絡各學堂研究教育之普及改良之方針爲宗旨

第二章 總綱
一 契約 凡爲本會會員對於會內則期交換智識互相提攜研究各科學教授及教科書之應用對於會外則懇切勸勉以開風化擴張教育
凡本會員皆有保全本會名譽之義務分擔經費之責任享受本會利益之權利被舉爲特別會員之資格

一 事業 凡有益於學界之事業無論爲直接間接皆當熱心提倡或贊成之此皆公認爲本會應有之責任
一 限制 本會範圍凡學界以外事務概不置議如有重大公益事不在此例

第三章 會地 會員
一 會地 本會暫假中所街義學爲會地
一 會員 本會不限籍貫凡合本會之宗旨熱心於教育者皆得入會 凡會員擔任月捐題名人入會者爲本會通常會員 凡捐助鉅款或書籍擔任一切義務者本會公請爲名譽會員 本會公舉會長一人副會長一人評議員七人會計員一人書記員二人糾察員二人幹事員二人爲本會特別會員如特別會員有要事告假在一月之內可請本會會員代理若需時甚久則臨時公舉補入 本會特別調查員由臨時開特別會議選會員中精明幹者充之

第四章 經費 會期
一 經費 本會經費由會員擔任之每月捐京錢貳百文爲通常經費 本會員及名譽會員熱心襄助概指鉅款爲特別經費
一 會期 本會每逢星期日於下午二點至五點鐘齊集會所討論一切教育事宜 本會於每月末次星期爲月會由各會員報告一切會務及決議提議事件會員各繳月捐於會計員處 本會每季擇日開大會一次 本會每屆半年擇日開大會時公舉會員 (未完) (山東)

◎添設水師飛划 陸春帥前因鹽泉聲勢日盛原設巡防水師不敷分布因飭飛划營副左右領哨凌秉忠沈葆義二弁在吳江監造新划二十四隻俾與該領哨原管之船併合添設副左右兩營以厚兵力現新船已經出廠稟由會道亨泰戎驗收並經督練公所請將凌沈二弁升爲該兩營統領云 (江蘇)

◎稟請添補警察備兵 近日城內外各段站街巡兵僅數額數遇有開除各項事故一時無兵充補恐於警務不免關礙昨由督辦陳廉訪暨總辦歐陽觀察連署具稟撫院擬招補備兵二十四名附入警務學堂訓練如遇巡兵缺額即將該兵補充云 (安徽)

◎議設武備小學堂 杭州駐防弁兵向編列槍隊八百名惟操法素未講求殊爲缺點茲由柏研香都統創議添設武備小學堂即以向在武備學堂畢業生爲教員所有前鋒領催至馬步甲均須練習洋操不得如前泄玩至所需經費擬將蕭山一帶圍牧場地開墾成熟一律清丈升科征收租賦以爲該堂經費云 (浙江)

▲路政

◎飭銷鐵路軌道 皖撫誠中丞前接商部咨開現在皖省籌款開辦鐵路具有規凡所經過之山河橋梁各形勢期於尅日繪圖送部查考等因撫憲因即轉札蕪湖關道董瑤觀察以鐵路開辦伊始凡皖屬路線經過之區趕緊聘請測繪生明晰繪圖說迅速稟覆以便彙咨 (安徽)

◎諮詢廣增鐵路情形 廣增鐵路經張弼士京卿經營將及一年尚未開辦日前粵督又咨行商部署謂黃埔至廣州只十餘里多與居民有密切之關係鐵路所經之地是否與居民有礙未據該京卿繪送路線無從懸揣現已咨請將路線即速繪送測勘後如無窒礙再行咨候核奪又向來輪船運貨由香港運至廣州者只在粵海關完稅如此路造成黃埔開作商場將來運到之貨是否仍在海關完稅抑另設一關以便征收之處不得不預爲之計仍請大部酌奪 (廣東)

▲實業
◎續電燈公司覆商務局書 現在敝公司不惜工本所有燈線各料均由德國西門子電氣公司購辦其貨皆係上等該公司電學之精甲於全球閱看外國報者必能知悉現青島電燈公司亦係該公司所設立其所用之燈線除房內之小線恐無

知婦孺不明電理恐有傷指灼膚之弊與地內之暗線恐有水濕走電諸弊此二項仍用包皮外其餘街上所經之線均無包皮刻下業已數年不聞有引火之弊青島島距濟不遠可以朝發夕至請貴局派一安人前往看視當知敝公司所言不謬現在敝公司所用之電表石屏與保險各器較之上海英法各電局更爲精良靈動如偶有一路之線或出弊則彼路保險器自能將此路之電氣立時截斷該路之電表亦即立時將度數報明公司即可隨時按表前往修理決無引火諸弊此外洋專門家幾經考驗幾經試驗而後有此簡便靈敏之法即請貴局將所訪之電化各家言光顧絲最易引火之諸君借臨敝公司一閱諸君係已通電化者一經指示必能識其與妙茲據實具復務乞將以上各節轉稟撫帥並曉諭各商一體知悉無庸疑慮云云 (完) (山東)

◎扇業發達 杭省所製油紙扇行銷甚廣今歲調查張子元徐芳風章聚昌大興生等運往各省者共約二十萬金之多爲近年來所未見刻經公所運赴各國賽會得獲獎牌特將各式雅扇送至北京商品陳列館陳設以期推廣利便知效法也 (浙江)

◎商借學堂房屋 農務實業學社創辦人李篤真等擬租借省城湘鄉師範中學堂餘剩房屋舍開辦實業已將緣由報告學界諸君云敝學社於前年集股開辦農學館講求蠶桑種植并研究理化實業諸學日來稍有門徑其已製成之件如油墨樟腦香油花露及工業上應用各種藥品有已經暢銷者有急宜進步者久擬於省城擇賃房屋實地擴充以期開通風氣抵塞漏卮奈各處房屋非作坊狹小即井水爲遠於製造諸多不便茲當試館改建學堂除應用房舍外尚有餘隙擬社擬租借青雲齋廚房一間爲製造廠緣牆木板屋三四間爲住房以期切實研究并將青雲齋廚房門閉另開新安巷原有之捷徑爲敝社出入門戶與學堂全無干礙竊以私社置之公地本非所宜惟公地既有餘剩實業亦關學務可否公允租用均候裁奪云云 (河南)

▲雜紀
◎日商來奉 日俄和議未訂以前日商在奉者寥寥無幾刻和約既定駐奉日軍已漸次回國故日商均絡繹奉奉經營商業矣 (奉天)

◎委員恭迎使節 撫轅文案兼遊學豫備科提調張彥雲明府於日前奉奉帥札以頃接滬閩道電悉出洋考察政治五大臣日內當相繼蒞滬飭即前赴吳淞恭迎使節明府遵札立即束裝附招商局小輪星夜前往 (江蘇)

◎甯藩接印 新授江甯藩司恩方伯於十七日來省已於二十四日履新 (江蘇)

◎會匪正法 會昌縣日前拿獲匪王澹山金上杭子二名業將定期劫獄情形供認不諱由該縣詳各憲批准就地正法頃據該縣稟覆云遵將定期劫獄匪犯王澹山金上杭子二名於上月初四日處決並會同羊角營把總監刑 (江西)

各國新聞

○美大臣之政見 美國國會時有軍務大臣某條陳軍政擬擴充砲隊法則又有某員條陳擬推廣海陸軍之醫學聞此意係大臣席曼君因日俄之戰察知醫學為軍中之要務特著論說講明其理某員之條陳實主其意也 譯上海字林西報

○日本更換內閣新聞 聞日本政府擬俟中日協約宣布後即另行組織一新內閣云 譯天津益聞西報

○日本專使回國 日本小村男爵約於西一月二號可抵橫濱聞該處官民現已預備歡迎矣 譯天津益聞西報

○日艦試水再紀 日本最大巡洋艦塞庫巴(譯音)前因船底尚有漏水之處暫停試水已紀前報現聞已修理完備日本儲君昨日又前往試水典禮 譯天津益聞西報

○日艦開往上海 日本砲船名務智(譯音)者載重六百二十噸由海路啓程又巡洋艦名塞士馬(譯音)者載重三千四百七十噸由海路啓程均已駛往上海 譯上海字林西報

○法撤駐韓公使 各國駐韓公使俱已撤回惟法國未撤已紀前報茲聞法政府亦將駐漢城公使撤回矣 譯上海字林西報

○修築小呂宋砲台經費 美國某武員承修小呂宋砲台共計美金一百五十萬元因與駐小呂宋艦隊統帥考芬君商議以便向政府報銷此款現考芬君由小呂宋回華盛頓即係辦理此事聞美國官場對於此款俱有後言議院亦有駁斥之議恐此款不易報銷矣 譯上海字林西報

○德臣乞休 德國撤克森總督畢利士爾現已上書乞休(按撤克森為德國北境一小聯邦也) 譯上海字林西報

○俄兵叛亂 聖彼得堡傳言云俄陸軍統帥利威士電達政府云伊所部之兵大半叛亂勢甚猖獗恐一時未易平靖 譯上海字林西報

○擇地舉行婚禮 美總統盧斯福之女公子擇於明年西二月為結婚之期已紀前報茲聞擬在倫敦舉行婚禮 譯上海字林西報

奏議

巡警部奏啓用印信日期摺

為啓用印信日期並查銷木質關防摺仰祈 聖鑒事竊臣等前經奏請 飭禮部鑄造巡警部印信並暫刊木質關防以資鈐用奉 旨依議欽此當經咨明禮部在案嗣於本月十二日准該部咨以臣部印信業經鑄就令派員請領前來當於本月二十一日派員前赴禮部將光緒三十二年十二號巡警部印一顆領取到部臣等即於是日敬謹啓用並將前刊木質關防查銷再臣部管轄地面重要事務時有緊要公事必須隨時辦理應請毋庸照舊例封印以免延誤合併陳明謹摺奏

聞伏乞 皇太后 皇上聖鑒 奏光緒三十一年十一月二十二日奉 旨知道了欽此

演督丁奏保護鐵路防營兵餉請飭撥的款摺

為滇省保護鐵路防營萬不可少餉項別無可籌仍請飭部指撥的款解滇支用恭摺仰祈 聖鑒事竊臣前以滇越鐵路自省城以迄河口綿亘一千數百里現值開工不得不派營隊彈壓保護當即陸續撥出十營各分地段駐紮以專責成所有薪餉津貼等項應歸鐵路經費項下支發以免糾紛而清界限奏奉 硃批該部知道欽此欽遵轉行遵辦在案旋准戶部咨該省二十八日三月奏將舊有防勇改為續備軍二十四營此次派撥保護鐵路十營是否即在續備各營內勻撥且同是防營不過就近鐵路駐紮未嘗有勞逸之別所稱與本省防營不同殊屬未合鐵路經費指撥各省作為購地專款自不得挪作他用應就章程內所定每月津貼四百五十兩內開支等因到臣應即查照辦理惟滇省貧瘠情形早在 聖明洞鑒之中頃者原以餉項奇絀不敷支放始議裁營就饒適遇鐵路開辦洋員工匠往來如織需營保護是以將該十營移駐路工節節駐紮並在省城另招護兵二百名既以藉資挹注亦免別生枝節實與該司道等騰挪調濟不得已之苦心也如非鐵路所需則此十營固可即時裁撤以舒餉力且每月津貼僅四千四百餘兩即無員紳等薪水夫馬各項開支亦不敷多營之用而鐵路所經綿長千里尤非多派營隊不足以資分佈彈壓至若往來保護日夜巡警其勞苦較之各防營實有過之前因專作護路之營無論何事不得輕調是以聲明與各營微有不同薪餉津貼均劃歸鐵路經費項下支發以免糾紛茲准鐵路經費應作為購地專款不得移作他用而此項路費既萬不可少而滇餉艱窘復難再籌路軌經過地方均屬荒僻之區原案要隘各營亦難再事調遣四籌維艱惟有仍請每年指撥的款銀十六萬兩解滇供支以維大局而固邦交據雲南鐵路善後各局司道會同藩司劉春霖等詳請具 奏前來臣查滇省餉項窘迫迥異尋常該司道所請係實在情形合無仰懇 天恩俯念事關交涉勢難萬難 敕部指撥的款銀十六萬兩解滇以供支用大局幸甚微臣幸甚除咨部查照外謹恭摺具陳伏乞 皇太后 皇上聖鑒訓示施行謹 奏奉 硃批戶部議奏欽此

●政務處抄摺摘由●

十一月十八日

內務府奏賞給武職官員人等銀兩事單一件奉 旨知道了

又奏三旗兵丁等並無放重利債事奉 旨知道了

又奏三個月功過事奉 旨知道了

上駟院奏倒斃殘傷馬匹驢頭數目事奉 旨依議

太醫院奏補八品吏目事奉 旨圈出金廷榮

十一月十九日

翰林院奏撰擬前大學士裕祿祭文呈 覽事文一道奉 旨知道了

理藩院奏土觀呼圖克圖來京請 安呈進貢物並可否入本年洞禮經道場當差請 旨事奉 旨知道了

又奏道署管理學生駐廠蒙古王公獎敘敘奏事奉 旨依議

又奏三音諾彥札薩克台吉車林多爾濟預保長子事奉 旨依議

又奏歸化城土默特承襲雲騎尉事奉 旨知道了

又奏放蒙古王公廣福章豆銀兩事奉 旨依議

又奏駐京喀喇沁貝勒熙凌阿請假五個月事奉 旨依議

又奏奈曼郡王瑪什巴圖爾病故照例致祭事奉 旨依議

又奏御前行走達爾王旗貝勒濟克丹達克齊瓦病故奏 聞事奉 旨知道了

文苑

眉韻樓詩話

粵東鄧秋門方秋枚實見季遠於舊學而能溝通西政西藝譯述甚富不激不迂所著詩文集俱卓然成一家言曾於某旬報中屢讀秋門氏之詩才思橫溢格調清高近時作手鮮與抗行附錄龍華塔中有感書壁七古一首云秋光大地無邊江楓舞脂秋風白雲浪浪出海去一碧捲出雲中天大江如龍向東走鳳凰金馬青雲斗紅霞翠影望不窮天半蕩蕩千芙蓉朝日一點懸紫銅海鷗歷歷飛長空長空下有笙歌國歌聲吹偏城南北樓臺縹緲飛霞玉窗珠箔猶如花王孫白馬走蹴踘番兒紅髮彈琵琶春申江上花啼粉山松古壘殘金陣朱樓大道千萬家大風忽起浮雲遮惟見空江蕭蕭之落木平原漠漠之黃沙黃沙落木朝復夕英雄兒女俱寂寂黃歇青山葬女環楚宮白露沾銅狄波沈琥珀杯雨打珊瑚席咸池紅日仍相催昆明劫火不可息千年我是有情人憑欄作歌心酸辛五陵裘馬非我輩三齊雞狗空王臣我獨不弔天隨民我獨不悲鐵笛君二公文章可以懸日月餘子一去俱成塵吁嗟乎愁亦不必愁淚亦不必下人間滄桑一野馬曷不東飲三江濱南橋二橋下興衰不問荒宮瓦拂袖行吟驢騎府捲眉入兮香山社鄰超好事今安之買山讀書可人者東海老鼈波扑山衣焦頭塵行路難飛鴻溪分銅駝關山石高高低低車輪碾土人桃梗徒相笑何年送客花橋邊東頭西頭屋三間我今舉室隨江飄故山遠在南海灣煙波萬頃不可見倚柱獨立愁朱顏獨立無言望天末一聲鐘打僧樓月

(第二十二)大魔天

余方昂頭出水見大偵探已沿岸順流而去余竭力追隨漸至一處大偵探即攀石上岸余亦攀石上岸不意脚下用力過猛將一大石蹴倒忽聽轟然一聲海水躍起數丈

是時天空雲破現出一輪皓月衆賊自開放水門之後羣立山嘴之上看水勢以為快樂謂獄中三人必已淹斃待天明開機將水放空驗屍屍忽聽水聲一响立刻起疑又因月光忽明適為衆賊所見

於是衆賊大嘯一聲又復追下大偵探云

賊又為君引至矣奈何

余見事急且以雪姬為重即云

翼君君保雪姬速逃賊來我自禦之

大偵探云

冷君注意

大偵探負雪姬向右急走修轉一灣遂不能見

余祇一人回首見衆賊已漸近

余思以一禦九必不能敵即向方一狹路逃去走未數武至一處前有高山彎環抱合中間有一片平陽是山谷之底前無去路余至此時舍命向前

義務告白

本館為贊助公益起見凡官立民立各學堂以及創興一切工藝事關羣利者所登告白概不取資以盡義務特白

◎天津民立第一小學堂及附屬第八日蒙學堂招考學生白話廣告

諸位呀 我們學堂現在又招考了 諸位家裏 如有願意上學堂的 就可以開一個名條 寫明了學生的姓名 多大歲數 住在那裏 念過甚麼書 三代的名字是麼 再寫上一個引人 一個保人 亦寫明他的住脚 就快送到東門內倉庫街 交給民立第一小學堂的帳房 他就給你記上 等到十二月二十日那天下午一點鐘(就是吃完了早飯的時候)帶著學生 到學堂等我們一考 再定一個取誰不取誰 那不取的 就可以歸在後邊第八日學堂學 等著再升 大約這個學生 兩堂共總起來要招六七十人 不論八九歲的 十來歲的 十七八歲的 全可以報名 這是甚麼原故呢 因為我們學堂 高等初等全要添學生 所以招得很多 但是 一層 別的學堂裏的學生 沒有他們學堂裏的信保送 可不能收 要知道詳細章程 學堂門口已貼著呢 請過去看看就明白

